

morceau de tondre, c'est un bois pourry & bien seiché, qui brusle aisement & incessamment iusques à tant qu'il soit consommé, ayant pris feu ils le mettent dans de l'escorce de cedre puluerisée, & soufflant doucement cette écorce s'enflamme. Voilà comme ils font du feu.

Pour reuenir à nostre voyage, nous ne faisons chaudiere que deux fois le iour, qui estoit peu pour moy, en ce temps encor mal accoustumé à ceste maniere de viande, car i'en uois à chasque fois si peu que les deux repas ne meritoient pas le nom d'un bien petit, c'est pourquoy i'estois tousiours fort foible sans auoir moyen de me fortifier, patissant plus que mes Sauuages, qui estoient accoustumez à cette façon de viure, ioint que petunans assez souuent durant le iour, cela les consoloit, les fortifioit & leur amortissoit aucunement la faim & non pas à moy, qui n'en ay iamais voulu user peur d'une habitude onereuse, de laquelle on ne se fait pas quitte quand on veut, & scay des personnes extremement marries d'en auoir iamais usé, pour ce qu'il nuyt plus icy pris en fumée qu'il ne profite à des personnes qui ont autre chose à disner, ou qui ne sont point incommodées des humiditez du cerueau, car alors il deseiche mediocrement pris, masché, ou en fumée.

189 L'humanité de mon hoste estoit remarquable, en ce que n'ayant pour toute couerture & habillement, qu'une peau d'ours assez petite, || encor m'en faisoit il part de la moitié, la nuit quand il pleuuoit, sans que ie l'en priasse, & mesme me dispoit la place au soir où ie deuois reposer la nuit, avec quelques petits